



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax: +387 33 726 423
e-mail: info@voda.ba

Broj: **UP-1/21-3-40-561-3/24**
Datum: **21.11.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Joldomerc“ d.o.o. Hadžići za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježije betonske mase kapaciteta 100-110 m³/sat, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Joldomerc“ d.o.o. Hadžići daje se vodna dozvola za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježije betonske mase kapaciteta 100-110 m³/sat izgrađene na zemljištu označenom kao k.č. broj: 372/1, 373/5, 374/1 K.O. Zovik, općina Hadžići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, pod slijedećim uslovima:
 - 3.1. Da se izvođenje radova na prostoru postrojenja za proizvodnju betona vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje voda (betonski taložnici, betonski kanali i slivnici, kanalizaciona mreža, separatori ulja i masti i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.7. Ukoliko Vlada Kantona Sarajevo propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

- 3.8. Da se istrošena ulja, nautljene krpe i sav opasan otpad koji može nastati na prostoru postrojenja za spravljanje svježe betonske mase redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „Joldomerc“ d.o.o. Hadžići, obratilo se ovoj Agenciji sa zahtjevom za donošenje rješenja o vodnoj dozvoli za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase kapaciteta 100-110 m³/sat izgrađene na zemljištu označenom kao k.č. broj: 372/1, 373/5, 374/1 K.O. Zovik, općina Hadžići.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Rješenje o izmjenama podataka, broj: 065-0-Reg-23-0040/20 od 10.10.2023. godine izdato od strane Općinskog suda u Sarajevu – ovjerena kopija,
- Uvjerenje o registraciji poreznog obveznika od 21.02.2022. godine izdato od strane Kantonalnog poreznog ureda u Sarajevu – ovjerena kopija,
- Obavještenje o razvrstavanju dijela poslovnog subjekta prema klasifikaciji djelatnosti broj:07-28-5-14387/23 od 11.10.2023. godine izdato od strane Službe za statistiku za područje Kantona Sarajevo – ovjerena kopija,
- Rješenje, broj: 07-19-2-1028/2024 od 28.03.2024. godine izdato od strane Službe za prostorno uređenje, urbanizam i građenje općine Hadžići – ovjerena kopija,
- Aktuelni izvod iz sudskog registra, broj: 065-0-RegZ-24-004581 od 08.04.2024. godine izdat od strane Općinskog suda u Sarajevu – ovjerena kopija,
- Opći akt o korištenju, održavanju i osmatranju vodnog objekta i postupanju u slučaju kvara ili havarije urađen od strane „ES Hydrotechnics“ d.o.o. Sarajevo, avgust 2024. godine,
- Izvještaj o monitoringu kvaliteta i kvantiteta otpadnih voda kompleksa objekata betonare „Joldomerc“ d.o.o. Hadžići, broj:1596/24-A urađen od strane „Inspekt RGH“ d.o.o. Sarajevo,
- Rješenje, broj:07-19-2-1942/2024 od 03.10.2024. godine izdato od strane Službe za prostorno uređenje, urbanizam i građenje općine Hadžići – kopija,
- Izjava o svojstvima, broj:1000806 za PE Aquareg S 30 bp 3 izdata od strane „Regeneracija“ Velika Kladuša sa Certifikatom broj:15100159289 od 05.04.2024. godine – kopija,

- Izjava o svojstvima, broj:1000807 za PE Aquareg S 30 bp 3 izdata od strane „Regeneracija“ Velika Kladuša sa Certifikatom broj:15104151323 od 05.04.2024. godine – kopija,
 - Dokaz o uplaćenju federalnoj upravnoj pristojbi na zahtjev.
- B. Tehnička dokumentacija:
- Glavni projekat pogona za proizvodnju betona-Knjiga II – Projekat vanjskih hidroinstalacija-snabdijevanja, prikupljanja, prečišćavanja i ispuštanja otpadnih voda iz pogona betonare, Općina Hadžići, urađen od strane „ES Hydrotechnics“ d.o.o. Sarajevo, novembar 2023. godine.
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona betonare, „Joldomerc“ d.o.o. Hadžići i tom prilikom sačinjen Zapisnik o izvršenom uviđaju broj: UP-1/21-3-40-561-2/24 od 20.11.2024. godine.
- Na osnovu dostavljene dokumentacije, izvršenog uviđaja na licu mjesta utvrđeno je sljedeće:
- Pravnim licu „Joldomerc“ d.o.o. Hadžići u prethodnom periodu izdato je Rješenje o vodnoj saglasnosti broj:UP-1/21-2-40-487-6/23 od 19.12.2023. godine, pod uslovom da postupi na terenu tj. izgradi sve sadržaje koji su predviđeni projektnom dokumentacijom: Glavni projekat pogona za proizvodnju betona-Knjiga II –Projekat vanjskih hidroinstalacija-snabdijevanja, prikupljanja, prečišćavanja i ispuštanja otpadnih voda iz pogona betonare, Općina Hadžići, urađen od strane „ES Hydrotechnics“ d.o.o. Sarajevo, novembar 2023. godine.
 - Pravno lice je u međuvremenu ishodovalo građevinsku dozvolu i upotrebnu dozvolu od strane nadležnog organa Općine Hadžići.
 - Osnovna namjena predmetnog pogona je proizvodnja betona, koji se u svježem stanju u namjenskim transportnim sredstvima (mikserima) isporučuje kupcima. U predmetnom poslovnom pogonu planirana je proizvodnja cca 100-110 m³/h mase betona.
 - U sklopu pogona instalirana je kompletna oprema za proizvodnju betona (tip betonare ELKON 120, proizvođač ELKON R Turska), izgrađeni su pripadajući manipulativni prostori i saobraćajnice, pomoćni objekti, te kanalizaciona mreža sa objektima za prikupljanje i tretman površinskih onečišćenih voda i tehnoloških otpadnih voda. Generalno kompletna površina je podijeljena u dvije cjeline koje su imenovane kao A1 i A2. Površina A1 služi samo za deponovanje frakcija materijala, dok površina A2 služi kao radni i manipulativni prostor za kamione, mašine i opremu za proizvodnju betona.
 - Taložnik T1 se nalazi na istočnom dijelu lokacije i prema istom gravitira površina A1. Izgrađen je taložnik dimenzija cca 4,15 x 1,50 x 1,50 m. Iza taložnika je ugrađen separator ulja i masti i okno za monitoring.
 - Taložnik T2 se nalazi na sjevernom dijelu lokacije i prema istom gravitira površina A2. Dimenzija taložnika je cca 9,60 x 1,50 x 1,50 m. Iza taložnika je ugrađen separator ulja i masti i nakon njega okno za monitoring. Iz ovog taložnika iz treće komore se zahvata voda i ponovo koristi u sistemu za spravljanje betona-recirkulacija vode. Ugrađena je pumpa koja sistemom cijevi doprema vodu prema rezervoaru ili u mješalice za beton.
 - U pogonu betonare nije predviđeno servisiranje mehanizacije-miksera i nije predviđeno skladištenje nafte, naftnih derivata, ulja i maziva.
 - Snabdijevanje vodom predmetnog pogona za proizvodnju betona, kao i pratećih objekata na lokaciji, se vrši sa glavne vodovodne mreže koja je položena u pojasu između magistralnog puta M17 i predmetne parcele. Investitor je od JKP „Komunalac“ d.o.o. Hadžići ishodovao saglasnost za priključenje pogona za proizvodnju betona na vodovodni i kanizacioni sistem.
 - Uzimajući u obzir rezultate provedenog hidrauličkog proračuna, lokacija na kojoj je izgrađen pogon nije pod uticajem pojave velikih voda 1/100 i može se smatrati sigurnom u pogledu opasnosti od plavljenja. Predmetni objekat se ne nalazi u zoni zaštite izvorišta niti je u koliziji sa planiranim objektima zaštite od poplava.
 - Uvidom u sadržaj Izvještaja o monitoringu kvaliteta i kvantiteta otpadnih voda kompleksa objekata betonare „Joldomerc“ d.o.o. Hadžići, broj:1596/24-A koji je urađen od strane „Inspekt RGH“ d.o.o. Sarajevo možemo konstatovati da izmjereni parametri na mjernom mjestu zadovoljavaju granične vrijednosti emisije otpadni voda koje se ispuštaju u prirodne recipijente u skladu sa Uredbom.
- Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom

vodnom dozvolom propisani uslovi u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Joldomerc” d.o.o. Hadžići ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase kapaciteta 100-110 m³/sat izgrađene na zemljištu označenom kao k.č. broj: 372/1, 373/5, 374/1. K.O. Zovik, općina Hadžići, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B obrazloženja rješenja



Po ovlaštenju

Rukovodilac sektora za izdavanje vodnih akata

Mihad Pezo, dipl.inž.grad.

Dostaviti:

- „Joldomerc” d.o.o.
- Donji Zovik br. 20, 71240 Hadžići, (Prilog).
- ⊙ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava